



साःगु भिंगु मरिचरिया नितिं
लुमंका दिसँ !

लक्ष्मण जमाल 'चिलमि'
प्रोग्राइटर
लाखा छेँ
LAKHA CHHEN

सोहखुटे, वडा नं. १६, येँ, फोन नं.: ४३६०७५८

थुकि दुने

प्रदेश नम्बर १ या नांया सवाल
श्रीकृष्ण महर्जन नेवाः - २

लुमकेमाःम्ह साहित्यकार
मोतिलक्ष्मी उपासिका
सुगतरेल सिंदुराकार - ३

‘वडा विकासया लागि जिं स्वंगू वि’
यात प्राथमिकता बियागु दु
नविन मानन्धर - ६

ब्लोदान
४-५

जनबहालय प्यंगःथांया इवाता उलेज्या भाषासेवीया हनालिसै संस्कृतियात नं बिचाः याय्त छ्याता

नेपालभाषायात थौंया दितक ह्यगु नितिं आपालं भाषासेवीपनिगु योगदान दु । मल्लकालय जुजुपिन्स हे छ्यालावःगु भाय्यात राणाकालय क्वत्यलेगु कुतः याःबलय मांभाय ल्यंकेगु नितिं योगदान ब्युपिं साहित्यकार थनथाय विशेष कथं न्ह्यथनेबहःजू । उगु इलय नेपालभाषाया उत्थानया नितिं ज्या याःपिं प्यम्हेसित नेपालभाषाया प्यंगः थां धकाः हे धयातःगु दु ।

नेपालभाषा साहित्यया पुनर्जागरणय योगदान ब्युपिं पं. निष्ठानन्द बज्राचार्य, मा. जगतसुन्दर मल्ल, महाकवि सिद्धिदास महाजु व कवि योगबिरसिं कसाःयात नेपालभाषाया प्यंगः थां धयातःगु जुल । लिसै भाषानिभाः प्रेम बहादुर कसाःया योगदान नं म्हवः मजू । वय्कःपनिगु भाषाप्रति योगदान, साधना न्हू पुस्तायात कने आवश्यक जू । थ्व हे ताः तयाः यैया जनबहाःया नासः दबुलिइ नेपालभाषाया प्यंगः थालिसै भाषानिभाः कसाःया इवाता दय्काः सार्वजनिक याःगु दु । नासः दबू जिर्णोद्धार समिति वंगु शनिबाः म्वसाः म्वःगु ज्याइवलय इवाताया उलेज्या जूगु दु । ज्याइवलय जनकवि दुर्गालाल श्रेष्ठ महाकवि सिद्धिदास महाजु, पूर्व उपप्रधानमन्त्री प्रकाशनमान सिंह गद्यगुरु पं. निष्ठानन्द बज्राचार्य, वाग्मती प्रदेशया खानेपानी, सिंचाई तथा उर्जा मन्त्री वसन्त मानन्धर योगवीरसिंह कसाः, येँ महानगरपालिकाया पूर्वमेयर विद्यासुन्दर शाक्य मास्टर जगतसुन्दर



मल्ल व येँ महानगरपालिका २५ वडाया पूर्व वडाअध्यक्ष नीलकाजी शाक्य भाषानिभाः प्रेमबहादुर कसाःया इवाताया अनावरण यानादिल । वाग्मती प्रदेश सरकारया म्वहालिइ येँ महानगरपालिका- २५ स्थित जनबहाः केलत्वाःस्थित नासः दबुलिइ उगु इवाता दय्काः तःगु खः । वरिष्ठ मूर्तिकार बालकृष्ण तुलाधरया काय मूर्तिकार महेश तुलाधर उगु इवाता दय् कूगु खः । थुगु ज्याया परिकल्पना धाःसा

२५ वडाया पूर्व वडाअध्यक्ष शाक्ययागु खः । इवाता उलेज्या ज्याइवलय थ्योपि पाहापिन्स नेपालभाषा साहित्यया पुनर्जागरणकाल व प्यंगःथालिसै मेमेपि भाषासेवीपिन्स लुमंकाः न्ववानादिल । पूर्व उपप्रधानमन्त्री सिंह भाषा साहित्याय न्याम्ह अग्रजया इवाता राणाकालय नेपालभाषायात जूगु दमन व भाषा साहित्यया उत्थानय वय्कःपिन्स यानादीगु योगदानयात न्हू पुस्ता लुमंकातइगु धयादिल । अथे हे, वाग्मती

प्रदेशया मन्त्री मानन्धर नेपालभाषा साहित्यया मूर्धन्य व्यक्तित्वया इवाता यैया नुगःचुइ तय्खनाः गौरवया अनुभव जूगु धयादिल । व हे कथं, जनकवि श्रेष्ठ नेपालया भाषा व साहित्यया न्याम्ह महान आत्माया इवाता नेपाल भाषा, साहित्य व नेवाः जातिया उन्मुक्तिया फल बीगु सिमा पी थें जूगु धयादिल ।

ज्याइवलय आपालं अभियन्ता, कलाकार, जनप्रतिनिधितयगु नं ब्वति दुगु खः । गुगु ज्या यात, व पक्का बांलाःगु खः । भाषाया उत्थानया नितिं योगदान बियावपि अग्रजतयगु सम्मानय सकलें छधी जुइ हे नं माः । तर, इवाता निर्माणलिसै अन थीथी न्ह्यसःत दंगु दु । इवाता उलेज्या ज्याइवःया मू पाहां कथं पूर्व उपप्रधानमन्त्री सिंहयात सःतुगुलिइ नं स्थानीय न्ह्यसः थंगु दु । वाग्मती प्रदेश सांसद वसन्त मानन्धरया सांसद विकास कोष इवाता दय्काः नेपालभाषा, नेवाः समुदायया नितिं छुं हे योगदान मदुम्ह सिंहयात छाय् मूपाहां दय्केमाःगु नं धाःगु दुसा थुगु ज्याया ल्यं ७ पेजय्

**१९क्वःगु ज्यापु दिवसया पाःब्व
गोफः त्वाःयात**

थुगुसीया ज्यापु दिवस गोफःत्वाः नाय्भाचो न्ह्याकीगु जूगु दु । वइगु यःमरि पुन्हिकुन्हु हनीगु भिंगुक्वःगु ज्यापु दिवसया पाःब्व गोफःत्वाः नाय्भाचोयात ब्युगु खः । गुरुपुन्हिया लसताय् ज्यापु संस्कृति विकास कोष याःगु गुरु हना ज्याइवलय

भिंगुक्वःगु ज्यापु दिवसया पाःब्व गोफः त्वाः नाय्भाचोयात लःल्हाःगु खः । कोषया नायः मंगलकृष्ण महर्जन व भिन्च्याक्वःगु ज्यापु दिवसया संयोजक गोफःत्वाः माकःगल्लीया नायः गोविन्द महर्जन पाःकाःगु खःसा

ल्यं ७ पेजय्

Trendiest Fashion
At Price You Love

ufo the clothing store
NEWEST COLLECTION

Binod Maharjan
9841369552, 9808644668

बि.आर्ट्स
B. Arts
Nayabazar, Kirtipur
4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works



नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वौय् थ्व हे खः ज्यान भी सकस्यां छगू
जातितय् स्वायत्त राज्य लुइ कपं चव्य भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



नेवा: विस्थापनया चाहना

फुटपाथ पसःया खँ थौकन्ह्य् खुब क्वानाच्वंगु दु।
यँ महानगरपालिकां फुटपाथ पसः चीकेगु अभियान न्ह्याकगुलिसें
थुकियात खुब चर्चा परिचर्चा जुयाच्वंगु दु। फुटपाथ पसः चीकेगु
अभियानयात कयाः विशेष यानाः नेवाःतय्सं समर्थन यानाच्वंगु दुसा
गुलिं मन्तय्सं गरीबतय्त ज्या यानाः नकेब्यु धकाः थुकिया विरोध
नं यानाच्वंगु दु। फुटपाथ पसः चीकेगु अभियान व थुकिया विरोधया
दथुइ विरोध याःपिनिगु न्ह्यःने छगू न्ह्यसः दंवःगु दु। नेवाःतय्सं
उमित छगू न्ह्यसः तयाच्वंगु दु। 'स्वनिगःयात अव्यवस्थित हे
दय्कातयगु चाहना खःला ? कि स्वनिगलय् पिनं वःपिन्त जक थाय्
बियाः नेवाःतय्त विस्थापित हे याय्गु योजना खः ?' फुटपाथ
धयागु लँजुवाःतयगु निती हे खः। थौकन्ह्य् लँय् न्यासि वनेत थ्व हे
फुटपाथ पसःया कारणं तसकं थाकु। बछिं मयाक्क फुटपाथ ला व
हे बँ पसलं हे कब्जा यानातइ। अले अनं सामान न्याय्त मोलमोलाइ
यानाच्वं पिं ग्राहकं मेगु ल्यं दुगु बछि फुटपाथ कय्च्याइ। धाय्बलय्
लँजुवाःत न्यासि वनेगु गनं ? सडकं न्यासि वने धाःसा मोटर,
मोटरसाइकल ब्वाका हइ, थःगु ज्यानया हे जोखिम। उक्तं पसः
तय्कं बीमाः, गरीबतय्त ज्या यानाः नकेबीमाः धाय्बलय् लँजुवाःत
न्यासि जुइगु गनं धकाः न्ह्यसः दनीगु स्वाभाविक खः।

थन गरीबतय्त ज्या यानाः नकेबीमाः धाय्बलय् फुटपाथय्
कःनि मीम्हेसिया लय्या आम्दानी ७५४८८८ मयाक्क दुगु खनेदत। अले
४० लाख त्यासा कयाः छँ दय्कागु धाःगु नं न्यनेदत। थन पसः कवः
बालं कयाः कर पुलाः व्यापार व्यवसाय यानाच्वं पिनि ४० लाख
त्यासा काय्त थाकु, फुटपाथय् कर मपूसे ब्यापार याइपिं गरीब
धाःपिन्सं याउँक त्यासा कयाः छँ दय्काः बाः नं नयाः च्वनाच्वंगु खँ
न्यनेबलय् गरीब धयाम्ह सु धकाः हाकनं न्ह्यसः दनीगु स्वाभाविक
हे जुल। उकिया नापं छम्हेसिनं फुटपाथ वा सडकया छूक थाय्
कब्जा याइ। अन छुं ई पसः तइ अले भच्चा लिपा जुलकि व थाय्
लखौं धेबा सलामी कयाः मेम्हेसित मियाथकी। पसःया बाः पुलेमफु
तर उक्तं सलामी बियाः फुटपाथया सार्वजनिक थाय् मी नं ज्यू
खनी, न्याना नं काय्फु। हाकनं नं गरीब खःला धकाः न्ह्यसः दनीगु
स्वाभाविक हे जुल।

अनं बँ पसःया समर्थकतय् मेगु खँ, चीकेगु मखु, व्यवस्थित
याय्गु, विकल्प बीगु हं। न्हापा नं बँ पसः व्यापारीतय्त विकल्प
बियाः भृकुटीमण्डपय् थाय् ब्यूगु खः। हानं मेपिं बँ पसः
व्यापारीत वल, हानं उमित विकल्प माल। उमित खुल्ला मंच
बिल धाय्, हाकनं मेगु पुचलं तिंब्धः माल धयाहइ। गबलेतक्क
थुकथं विकल्प बियाच्वनेगु व गबलेतक्क गामं वयाः थन फुटपाथ
कब्जा यानाः पसः तःवायच्वनेगु ? म्हिगः सडक मगात धाल,
स्वनिगःमितय् छँ थुनाः सडक विस्तार यात। आः व हे विस्तार
जूगु सडकय् फुटपाथ पसः तल। जिमिगु छँ थुनेमते धाःबलय्
विकास विरोधी, सडक मगात धकाः जिमिगु छँ थुनाः विस्तार
याःगु सडक अथे बँ पसल्यातय्त व्यापार याय्त बीमते धाःबलय्
गरीबमारा हं। न्ह्यागु जूसां स्वनिगःमि हे जक गलत, व
स्वनिगःमितय्सं पिनं वःपिन्त थःगु थाय् त्वःता बियाच्वनेमाःगु
मानसिकतां एकता व सद्भावया सन्देश बीला ? सद्भाव व
एकताया खँ ल्हाइपिन्सं स्वनिगःमिया धाः स्वयम्बाःगु ला ?

प्रदेश नम्बर १ या नांया सवाल



श्रीकृष्ण महर्जन नेवाः

संघीय लोकतान्त्रिक गणतन्त्र
नेपाःया न्हय्गू प्रदेश मध्ये प्रदेश नम्बर
२ यात मधेस प्रदेश, प्रदेश नम्बर ३
यात वाग्मती प्रदेश, प्रदेश नम्बर ४ यात
गण्डकी प्रदेश, प्रदेश नम्बर ५ यात
लुम्बिनी प्रदेश, प्रदेश नम्बर ६ यात
कर्णाली प्रदेश व प्रदेश नम्बर ७ यात
सुदूरपश्चिम प्रदेश धकाः नां तये धुंकूगु
दु। सम्बन्धित प्रदेशया संसदपाखें अथे
नां तयेगु ज्या याःगु खः। न्हय्गू प्रदेश
मध्ये १ नम्बर प्रदेशया जक नां तयेगु
ल्यंदनि।

छु छु प्रदेशया नां गुगु कथं
वल धइगु सवालयात स्वल धाःसा
मूल रुपं प्रमुख राजनीतिक दलया
प्रमुख नेतातयगु आदेश कथं हे
सांसदतय्सं नां तयेगु ज्या याःगु दु।
मधेस प्रदेश छगू जक आः तकया दुने
प्रदेश सांसदतय्सं पार्टीया गुलिं गुलिं
नेतातयगु अनौपचारिक कथंया हवीप
यात तक अस्वीकार याःगु खने दु। मेगु
फुक्क हे प्रदेशया नांया सवालय् दलया
नेतातयगु हे आदेश कथं जूगु खने दु।

आदिवासी नेवाः व तामाङतयगु
थातथलो जुयाच्वंगु ३ नम्बर प्रदेशया
नां गुगु दिनय् तल धकाः स्वयेवं
हे स्पष्ट जुइ कि नेतातय्सं गुगु कथं
सोच दयेकाच्वंगु दु धकाः। नेपाःय
एकीकरणया नामय् गोरखा राज्यया
विस्तार याना एकल नश्लीय शासन
संचालन याःम्ह पृथ्वीनारायण शाह
धकाः नेपाःया आदिवासी जनजाति
नापं पहिचानवादीतय्सं थुइका
वयाच्वंगु दु। पृथ्वी नारायण शाहया
बुदिं धइगु पुष २७ गते खः अले व
हे पुष २७ गतेयात राष्ट्रिय एकता
दिवसया रुपय् हनेगु कुतः यानाच्वंगु नं
सकलसिनं थुगु हे खँ खः। आदिवासी
जनजातितय्सं उकिया विरोध याना
हाकूगु न्हिया रुपय् हना वयाच्वंगु खः।
व हे पृथ्वी जयन्ती व राष्ट्रिय एकता
दिवस धकाः हनेगु कुतः यानाच्वंगु दिं
पुष २७ गते हे लाका २०७६ सालय् ३
नम्बर प्रदेशया नां वाग्मती प्रदेश धकाः
तयेगु ज्या याःगु दु। थुगु घटनां हे स्पष्ट
जू कि मेगु अधिकारया खँ ला त्वःती
नेवाः नापं आदिवासी जनजातितय्सं
नामय् जक जूसां नं आःया नितीं
पहिचान दयेमाः धकाः धायेगु याना
वयाच्वंगुयात म्वाय् चुइकेगु कथं
अबले पुष २७ गते हे वाग्मती प्रदेश
धकाः नां तःगुलिं स्पष्ट जूगु दु।

उगु इलय् नेवाःत नेपाल
मण्डल प्रदेश नां तयेमाः धाईपिं छथ्वः
खःसा मेखे तामाङत नाप जाना नेवाः
ताम्सालिङ प्रदेश नां तयेमाः धकाः
सः थ्वयेका वयाच्वंगु खः। दबाव
मुलक आन्दोलन यानाच्वंगु खः।
सांसदतय्सं न्वंवानादीगु नं खः। तर
अन्तत नेवाः व तामाङतयगु भावनाया
अःखः अन्तिम इलय् वंगु खने दत

सांसदत। अबले वाग्मती प्रदेश नां
तयेगु सवालय् कांग्रेसया सांसद इन्द्र
वानियाँ तःगु प्रस्तावया पक्षय् १०८
मत कुतुं वंगु खः। अबले तत्कालिन
नेपाल कम्युनिष्ट पार्टी (नेकपा)पाखें
तकं वाग्मती प्रदेश नां तयेगु नितीं
सांसदतय्त निर्देशन बिउगु खः।

प्रदेश संसदाया म्याद आः प्यला
जक ल्यंदनि। मंसीर महिनाय् ला
चुनाव हे यायेगु धयाच्वंगु दु। उकिं थ्व
ई धइगु प्रदेश सांसदतयगु नितीं अन्तिम
ई जुयाच्वंगु दु। थुगु इलय् पहिचानया
सवालनिसें संघीयतायात कार्यान्वयन



यायेगु सवालय् गम्भीर जुइ मफत
धाःसा प्रदेश सांसदतय्त थीथी कथंया
न्ह्यसः मदिक्व वयाच्वनीगु अवस्था
दु। उकिं नं सांसदत नापं दलया नेतात
१ नम्बर प्रदेशया नां तयेगु सवालय्
हथाय् चयाच्वंगु खः। नां छगू हे तये
मफत धाःसा प्रदेश सांसदत हे असफल
जुल धकाः तायेकीगु संभावना दुगुलिं
सांसदत नं हथाय् चायाच्वंगु दु।
प्रदेशया नां तयेगु सवालय् १ नम्बर
प्रदेशय् दक्किसिगु ध्यान वनाच्वंगु दु।

प्रदेश नं १ दुने दुथ्याःगु जिल्लात
१) ताप्लेजुङ जिल्ला, २) पाँचथर
जिल्ला, ३) इलाम जिल्ला, ४)
संखुवासभा जिल्ला, ५) तेह्रथुम
जिल्ला, ६) धनकुटा जिल्ला, ७)
भोजपुर जिल्ला, ८) खोटाङ जिल्ला, ९)
सोलुखुम्बु जिल्ला, १०) ओखलढुङ्गा
जिल्ला, ११) उदयपुर जिल्ला, १२)
भ्रुपा जिल्ला, १३) मोरङ जिल्ला व
१४) सुनसरी जिल्ला खः। थुगु जिल्ला
मूल रुपं पृथ्वीनारायण शाह नं गोरखा
राज्य विस्तार याये न्ह्यः लिम्बु व
खम्बुतयगु लाग्ना खः। व धइगु किरात
आदिवासीतयगु खः। थुगु लाग्नाया नां
आः छु तयेगु धइगु सवाल तसकं बहस
जुयाच्वंगु दु।

प्रमुख राजनीतिक दलया
प्रमुख नेतातयगु चाहाना धइगु मूल
रुपं सगरमाथा, कोसी, सप्तकोशी
थेंजाःगु नां तयेगु योजना सहित न्ह्याः
वनाच्वंगु दु। तर व हे पार्टीया
पहिचानवादी कार्यकर्तात धाःसा
भूगोल बाय् खुसि नापं पहाडया नामं
नां मतसे अनया आदिवासीतयगु नामं
नां तयेमाः धकाः धायेगु यानाच्वंगु
दु। अथे हे पहिचानवादी थीथी
जातीय नापं सामाजिक संस्थातपाखें
पहिचानया आधारय् हे नां तयेमाः
धकाः दबाव बिइगु ज्या यानाच्वंगु
दु। पहिचानवादीतय्सं मूल रुपं
१) लिम्बुवान-किरात, २) किरात-
लिम्बुवान-खम्बुवान बाय् ३) किरात
प्रदेश धकाः नां तयेमाःगु माग याना

वयाच्वंगु दु। पहिचानवादीतय्सं
थःथःपिं थःथःगु हे कथं न्ह्याः
वनाच्वंगु नं दु। गुलिं गुलिं मंकाः
कथं नं न्ह्याः वनाच्वंगु दु। म्हिगः २
नम्बर प्रदेशया नां तयेगु इलय् नेवाःत
गुगु कथं न्ह्याः वन उगु हे कथं आः
१ नम्बर प्रदेशया पहिचानवादीत एक
मत जुया वने फयाच्वंगु मदु। अयूनं
साभा सवाल छगू मत किरात खँवःया
सवालय् जक जुयाच्वंगु दु। किरात
नापं मेगु खँवःया सवालय् ब्यागलं
ब्यागलं कथंया मत दु। आदिवासी
जनजाति महासंघं लिम्बुवान-

किरात धयाच्वंगु दुसा किरात
राई यासोख्खापाखें किरात नां तयेमाः
धयाच्वंगु दु। छगू कथं लिम्बुवानया
सवालयात कया अस्वीकार यानाच्वंगु
थें खने दु। लिम्बुवान धइगु नेपाःया
पहिचानवादी आन्दोलनय् छगू सशक्त
कथंया भूमिका म्हितूगु थाय् खः
अनयापिं लिम्बुत खः। उकिं
नांया सवालय् पहिचानवादीतय्त
तकं राजनीतिक दलया नेतातय्सं
म्हितकेगु अले विभाजन याना शासन
यायेगु नीति ज्वंगु जकं मखुला धकाः
न्ह्यसः ब्वलना वःगु दु।

थ्व इलय् पहिचानवादीतय्सं
फत धाःसा पहिचानया आधारय्
लिम्बुवान-खम्बुवान-किरात खँवः
हे स्वाकाः कन्हय् वना ब्यागलं
ब्यागलं कथंया प्रदेश निर्माण
यायेगु लँपु ज्यायेत अःपुक नां तयेगु
योजना दयेका वनेमाः। भूगोल वा
खुसिया नां तइगु खःसा उकियात
अस्वीकार याना आः नं १ नम्बर
प्रदेश धकाः नां दुगुलिं उकियात
यथावत याना वन धाःसा कन्हय् वना
लँपु चायेकेत अपुइ। रणनीतिक रुपं
पहिचानया नितीं भूमिका म्हितेगु ज्या
आः पहिचानवादीतय्सं यायेमाःगु दु।
उकिया नितीं ब्याकप रुपं सर सल्लाह
याना वनेमाः। नेपाःया आदिवासी
जनजातितयगु मंकाःगु संगठन नेपाल
आदिवासी जनजाति महासंघं तकं थ्व
इलय् गम्भीर रुपं कायेमाःगु ई वःगु
दु। अनया आदिवासीतयगु पहिचानया
आधारय् नां तयेगु अले मफत धाःसा
१ नम्बर प्रदेश हे धकाः नां तयेगु ज्या
यायेगु धइगु छगू कथं पहिचानवादी
आन्दोलनया नितीं पुसा पिइगु कथंया
ज्या नं जुइफु। उकिं थौया इलय् १
नम्बर प्रदेशया नांया सवालय् दक्ले
अप्पः अनया आदिवासीत सक्रिय
जुइमाः अले सचेत जुइमा। अनं
लिपा देय्न्यंकंया आदिवासी नापं
पहिचानवादीत सचेत व सक्रिय
जुइमाःगु अवस्था दु।

લુમંકેમાઃઞ્હ સાહિત્યકાર મોતિલક્ષ્મી ઉપાસિકા



सुगतरेत्न सिन्दुराकार

नेपालभाषा साहित्य ख्यलय्
 लोकह्वाःम्ह साहित्यकार मनुम्ह
 मोतीलक्ष्मी उपासिका तुलाधरया
 ११३वःगु जन्म दिवस २०७९ साल
 असार २८ गते मंगलबाःया न्हि लाःगु दु ।
 थःगु जीवनकालय् वय्कलं नेपालभाषा
 व साहित्ययात थकायत थःगु कठोर
 कुतलं आपालं साहित्य सिर्जना यानाः
 त्वःता थकादीगु दु । वय्कःया थुकथंया
 गुणयात भीसं न्ह्यावलेनं लुमेकमाःगु
 खनेदु । नापं नेपालभाषा साहित्ययात
 थकया वनेत नेपालभाषा साहित्यया
 अध्ययन नं याना वनेमाःगु दु ।

साहित्यकार मोतिलक्ष्मी
उपासिकाया जन्म नेपाल सम्वत १०२९
दिल्लाथ्व द्वादशीया दिनय् न्यतया तुहुँ
गल्लीइ जुगु खः । वय्कलःया बौ साहु
द्रब्यधर तुलाधर खःसा मां ज्ञानलक्ष्मी
तुलाधर खः । वय्कलं नेपाल सम्वत
१०३४ पञ्चमिया दिनय् शिक्षा
आर्जनया ज्या न्ह्याकाःलि संस्कृत,
पाली साहित्यय् विशेष अध्ययन
यानादीगु दु । वि.सं. १९९० निसें
वि.सं. १९९२ सालय् शारदा पत्रिकाय्
नेपालीभाषां बाखंत पिथनादीगु दु ।
शुक्रथं हे वय्कलःया साहित्य सेवाया खँ
ल्हाना वनेबलय् नेपाल सम्वत १०६९
सालय् धर्मदूत पत्रिकाय् नेपालभाषां
बाखं पिथनादीगु दु । साहित्यया
प्रचार प्रचार याय्गु इवलय् वय्कलं
थीथी आपालं पत्रिपत्रिकाय् नं बाखं,
निबन्ध, प्रबन्ध, कवितालगायत च्वयाः
पिथनादीगु खः ।

व्यक्लं नेपालभाषा परिषदय
ने.सं. १०७१ सालनिसें हे आजिवन
सेवा यानादीगु खः। व्यक्लं थुगु
संस्थाय कोषाध्यक्ष पदय च्वनाः सेवाय
भाव ब्वलंकाः सेवा यानादीगु खःसा
थुगु संस्थां पिथंगु नेपाल ऋतुपौया दुगः
कर्वय हे व्यक्लः जुयादीगु खः। व्यक्लः
नेपालभाषा मिसा खलःया न्हापांम्ह
नकिं खःसा नेपालभाषा एकेदिमिया
दुजः नं जुयाः भाषा सेवा यानादीगु
दु। नेपालभाषाया साहित्यप्रति
व्यक्लं यानादीगु योगदानयात दुवाला
वनेबलय व्यक्लः छम्ह नेपालभाषा
साहित्य ह्यःया विदुषि बौद्ध उपासिका
जुयादीगु खनेदु। व्यक्लं रचना
यानादीगु आपालं कृतित सफूया रुपय
पिदनाच्वंगु दु। व्यक्लःया कृतिया नां
कया वनेबलय मोतिमाः (निवन्ध मुना),
संध प्रवन्ध, चर्खुचिया सर्वय (चिनाखं
मुना), मोति बाखं पचः (बाखं पचः),



उत्पलवर्णा (बुद्धकालीन श्राविकाया जीवनी), धौबजि (निबन्ध) लगायत भीगू नृत्यःने सदां दयाचवंगू दू ।

व्यूकलं नेपालभाषा साहित्य
च्वन्त्याकेत यानादीगु योगदानयात
कदर याना: व्यूक:यात थीथी
संघसंस्था थीथी सिरपा वीगुलिसें हंगु
नं दु। थुकथं व्यूकलं साहित्य ख्यलय्
यानादीगु योगदानयात कदर याना:
मोतिलक्ष्मी अभिनन्दन समारोह समितिं
व्यूक:या ८० दैया बुदिंया लसताय्
त:जिक अभिनन्दन या:गु ख:। गुगु ज्या
नेपालभाषा ख्यलय् च्छायावह:जूगु
ज्या जुया: थौं भीगु न्ह्य:ने दं
वयाच्वंग दु। वि.सं. २०४८ सालय्

वय्कःयात नेपाल नारी साहित्य सेवा केन्द्र अभिनन्दन याःगु दु। थुकथं हे साहित्यिक पत्रकार संघं लोकप्रियादेवी सिरपा वि.सं. २०४९ सालय् देखाःगु दु। अथेहे वय्कःयात मेमेगु थीथी ख्यलं नं वय्कःया योगदानयात कदर याना हनावना याःगु दु।

वक्कःया बुदिंया लसताय्
 डत तुलाधर समिति मिसा पुचलं
 दैय्दसै हे हिदान ज्याइवः न्त्याकाः
 वक्कःया योगदानयात लुमंकेगु
 ज्या यानावःगु दु। अथेहे वक्कःया
 बुदिंया इवलय् नेपालभाषा मिसा
 खलकं नं ज्याइवः न्त्याकावःगु दु।
 वय्कलं नेपालभाषाया माध्यमं ब्वनेग

यानावयाच्चंगु लखतीर्थया जगत सुन्दर
 ब्वनेकुथिया भवन दयूकेत शिलान्यास
 नं यानादीगु खः ।

वयूकःया शुलिमछि योगदानयात
थौयापिन्स बांलाक वाःचायूकावनेगु
ज्या म्हवः जुयाच्चंगु दु। न्हू पुस्तां
साहित्यकार मोतिलक्ष्मी उपासिकायात
त्वःमंका वनाच्चंगु खनेदु। उकिं
नेपालभाषा ख्यः व साहित्यकार लगायत
विशेष याना उदायूतसें मोतिलक्ष्मीयात
लुमंकाः वयूकःया योगदानयात अभ्
च्चन्ट्याकेत गुकर्थया ज्या याना
वनेफइगु खः उकर्थं याना वनेगु कुतः
जारी ज्याच्चेनेमाःगु द।

“

वय्कलं साहित्य स्थलय्
यानादीगु योगदानयात
कदर याना: मोतिलक्ष्मी
अभिनन्दन समारोह
समितिं वय्क:या ८० दँया
बुदिंया लसताय् त:जिक
अभिनन्दन या:गु ख: ।

गुगु ज्या नेपालभाषा
स्थलस्थ चवछायबहःगुगु
ज्या जुयाः थौं भोगु न्हयःने
दं वयाच्चंगु दु । वि.सं.
२०८८ सालस्थ वयकःःयात
नेपाल नारी साहित्य सेवा
केन्द्र अभिनन्दन याःगु
दु । थुकथं हे साहित्यिक
पत्रकार संघं लोकप्रियादेवी
सिरपा वि.सं. २०८९ सालस्थ
देखाःगु दु ।

[illegible]



राम प्रजापति
प्रोप्राइटर


हारती मिठाई भण्डार

(शुद्ध शाकाहारी)

कालिमाटी चोक, टंकोश्वर मार्ग, काठमाडौं ।
फोन नं. : ४२७२१९९, मो. ९८०३९८०६९९

यहाँ:- विवाह, व्रतबन्ध, पाटी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।





हरिशंकर नारायण

किपा : दिव्य रत्न महर्जन

हनुमा

२०७९ श्रावण ३, मंगलवा:

वडा विकासया लागि जिं स्वंगू 'वि' यात प्राथमिकता बियागु दु

श्वयां न्हय: जिं न्यादै वडाया नेतृत्व याय्गु ह्वःता: चूलाकेधुन । आ:या कार्यकाल जिं स्वंगू "वि" यात प्राथमिकता बिया: ज्या याय् । न्हापांगु 'वि' विश्वास खःसा निगूगु विचार वं स्वंगूगु वि धयागु विकास खः । जिं चुनाव प्रचारया भवलय हे वडाबासीयात जिं न्यादै वडा न्ह्याकागु हुनि जित: विश्वास यानादिसँ, छिकपनिगु विश्वासयात जिं घात याय्मखु धयागु खः ।

(वंगु बैसाख ३० गते क्वचा:गु स्थानीय तहया निर्वाचनय् यँ महानगरपालिका १७ वडाया निर्वाचित वडा अध्यक्ष नविन मानन्धर आ: यँ महानगरपालिकाया प्रवक्ता नं चयन जूगु दु । वय्क:लिसे वय्क:या योजना अले वर्तमान समस्याया सम्बन्धय् लहना वा:पौया सम्वाददातां या:गु खँलाबल्हा थन न्ह्यब्वयाच्चन - सं.)

❶ छिं थ:गु जीतयात गुगु रुपं कयादियागु दु ?

जिं थुकियात जीत धाय्मखु । वास्तवय् थ्व छगू सहकार्य खः । चुनावया दलतय् दथुइ धेधे बल्ला: जुइ । उकी भचा अप्व: मत जिं अप्व: काय्फत । व कथं जिं नेतृत्व जक कयागु खः । सकसिनं थ:थ:गु बिचा: कथं वडा विकास याय्त धका: विकास याइम्ह व्यक्तित्व ल्य:गु दु । उकियात सम्बोधन याइम्ह मनू जि जूगु हुनि नेतृत्व जक जिं कयागु खः, सकसिगु जित खः ।

❷ थव कार्यकालय् छिं गुकथं ज्या न्ह्याकेगु बिचा: यानादियागु दु ?

थ्वयां न्हय: जिं न्यादै वडाया नेतृत्व याय्गु ह्वःता: चूलाकेधुन । आ:या कार्यकाल जिं स्वंगू "वि" यात प्राथमिकता बिया: ज्या याय् । न्हापांगु 'वि' विश्वास खःसा निगूगु विचार वं स्वंगूगु वि धयागु विकास खः । जिं चुनाव प्रचारया इवलय् हे वडाबासीयात जिं न्यादै वडा न्ह्याकागु हुनि जित: विश्वास यानादिसँ, छिकपनिगु विश्वासयात जिं घात याय्मखु धयागु खः । अथे हे, विचार । वडाबासीलिसे सहकार्य याना: वय्क:पनिगु नं बिचा: मुंका: जिं छगू विचार दय्के । थुकथं दय्कागु मुंका: विचारं वडाया विकास याय् धयागु खः । विकास नं आ: वैज्ञानिकरूपं जुइमा: धयागु खः । म्हिग:या ज्याखँपाखें भीसं पाठ

सय्का: ह्युपा: हय्मा: ।

❸ वडाया विकासया लागि छिं गज्या:गु पहल यानादी ?

भीसं सांस्कृतिक सम्पदायात ल्यंका: उकिया छ्यलाबुलायात नं प्रोत्साहित याय्मा: । सकसिनं अनुभुत याइगु कथं उकी ह्युपा: हय् हे मा: । थ्वलिसें उसाय् व शिक्षायात नं महत्व बी । स्वास्थ्य व शिक्षा मदय्कं भी न्हय:ने वने फइ हे मखु ।

❹ स्वास्थ्य क्षेत्रया लागि छिं गज्या:गु योजना दु ?

स्वास्थ्यया विषयस भीसं कोरोना संक्रमणया इलय् खनेधुनागु दु, स्वास्थ्य शिक्षा क्षेत्रय् नं लिच्च: लाकी । स्वास्थ्यया लागि वडाय् क्षेत्रपाटि नि:शुल्क चिकित्सालय दु । व चिकित्सालयलिसे समन्वय याना: चिकित्सालय नं समृद्ध जुइगु कथं विपन्न अले असहायया लागि १ करोडया अक्षयकोष नीस्वनेगु आज्जु कयागु दु । स्वास्थ्यय् नि:शुल्क उपचारया लागि व्यवस्था याय् । चिकित्सालयया आय आर्जनया श्रोत मदुगुलिं थुकियात न्ह्याकेत सहजताया लागि नं कोषया आवश्यकता दुगु महसुस यानागु दु ।

❺ शिक्षा क्षेत्रया लागि गज्या:गु योजना दय्कादियागु दु ?

शिक्षाया खँय ज:लाखला देशय् अरविन्द केजरीवालया नीतिया नं अध्ययन यानाच्चनागु दु । वडाय् १८ स्कुलत दु । व मध्ये प्यंगू सामुदायिक व १४ नीजि क्षेत्रया दु । नीजि स्कूलतय्सं थ:गु तगिमं गुणस्तरीय शिक्षा बियाच्चंगु दु । वडाया सामुदायिक स्कूल नं समृद्ध दय्केकमानि । अनया भौतिक पूर्वधार विकासलिसें नि:शुल्क गुणस्तरीय शिक्षाया लागि पहल याय् । निजी स्कूललिसे धेधे बल्ला: याय् फइ कथं सामुदायिक ब्वनेकूया क्षमता अभिवृद्धि

याय् । विद्यार्थीया न्यूनतम आवश्यकता पूर्वकगुलिसे शिक्षकतय् थप तालिम बिया: गुणस्तरीय शिक्षा बीगु नितिं ज्या यानाच्चनागु दु । व हे कथं कन्या मन्दिर भौतिक रुपं सबल जुइधुकल सा शान्ति शिक्षा नं एडीबीया ग्वहालिं बांला:गु स्कुल जुइधुकल । मेगु राष्ट्रिय तारा व वालबिकासया नं पहल याय् ।

❻ वडाबासीतय् आर्थिक विकासया लागि छिं गज्या:गु योजना दु ?

आर्थिक विकासया लागि युवा स्वरोजगारया तालिम बी । वय्क:पिन्त छँय हे च्वना: याय्फइगु घरेलु ज्याया तालिम बी । चिचीधंगु ज्या याना: घरेलु आवश्यकता पूर्ति याय्फइ धका: म्हिग:या दिनय् नं तालिम बियागु खः । लाकां, लं सुइगु, अचार, मैनवति दय्केगु तालिम बिया: छँया आवश्यकता पूर्तिया लागि ज्या याय् फइ धका: तालिम बियागु दु । आ:या अवस्थाय् युवातय् शिक्षा अनुशासनया तालिम बिया: प्राप्त शिक्षां आर्थिक आर्जन याय्फय्मा धका: तालिमय् विशेष ध्यान बियागु दु ।

❼ थनया भौतिक पूर्वाधार विकासया नितिं छु छु यानादी ?

भौतिक पूर्वाधार विकासया लागि सडक व पार्कया निर्माण अले सुदृढिकरण हे खः । कोर सिटि दुने सहर सुधारया ज्या जुइधुकूगु दुसा ध: दय्केत पूर्णरूपं जाय्धुनागु दु । खाली थासय् पार्कया रुपं विकास यानागु दुसा खुसिबुं अलग ला:गु थाय् खः । खुसिबुं च्वनेत पायक थाय्वा रुपं दय्के । अन दक्कं सडक हाकुपत्रे याय्गुलिसें त्वनेगु ल:या व्यवस्था याय् । विष्णुमति किनारयात पार्कया रुपं हिले । प्रत्येक त्वा: म्हीसीके फइ कथं ध्वाखा दय्के । दसु कथं वडा ज्याक् लिवक थौकन्हय् धोविचोर धाइगु थासय् ध्वाखा दय्का: अन भीपंखा धका: नां तयागु दु । व अनया मौलिक नां खः । बसोबास दुगु क्षेत्र म्हीसीगु कथं नां तय्गु जुइ ।

❽ दकले लिपा, लहना वा:पौया ब्वमितय् छु हसना बियादी ?

जिपिं जनप्रतिनिधित सुं हाकनं व:गु दु, सुं न्हीपिं व:गु दु । सकसिगु आज्जु धइगु जनसेवा हे खः । सेवा यायां विश्वासलिसें न्ह्या:वनेमा: । सुनां त्याग याइ, वं कन्हय्या दिनय् थप जिम्मेवारी काइ । जिपिं छिकपनिगु ज्या याय्त न्ह्याबले तत्पर जुयाच्वने ।



नविन मानन्धर

वडा अध्यक्ष, काठमाडौं महानगरपालिका १७ वडा



Sweet Cave

(जीवन दाईया पसः)


Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



(घ) शेयर त्यासा

(ङ) मुद्दती रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछें, पाको, न्हूसतक, यें, नेपा:

फोन ल्या: ४२३१०३६, ४२२२०६५, ४२१६१६७, फ्याक्स : ४२१६१६७

‘छंगु जिगु मतिना’या लुभुइ पितव्वज्या



नेवाः संकिपा व कलाकारिता ख्यलय् लोकंहवाःम्ह पवन जोशीया निर्देशनय् ‘छंगु जिगु मतिना’ बोलया म्येया म्युजिक भिडियो पितव्वज्या जूगु दु।

लुभुइ शुटिङ्ग जूगु म्युजिक भिडियोया नेपालभाषाया न्हापांम्ह म्युजिक भिडियो निर्देशक विजयरत्न असंबरे पितव्वज्या यानादीगु खः। म्युजिक भिडियो पितव्वज्या धुंकाः असंबरे संकिपा व कलाकारिता

ख्यलय् न्यय्दै बिते यानादीधुंकुम्ह पुलांम्ह कलाकःमि पवन जोशी थःम्ह हे च्वयादीगु म्येयाबारे न्ववासें पवन जोशीया सकृयताया प्रशंसा यानादिल। कृष्ण महर्जन व सरस्वति मानन्धरं हालातःगु म्येय् अमर शाक्य व दिशमा श्रेष्ठ शाक्य अभिनय यानादीगु दुसा कोरियोग्राफि व समाः उमिशा पाण्डे यानादीगु खः।

कृष्णभक्त श्रेष्ठ केबिएस लुभुया परिकल्पनाय् तयार जूगु म्येया सम्पादन व निर्देशन शैलेश श्रेष्ठ यानादीगु दु। म्येय् अनिल तुलाधरं लय् बियादीगु खः।

म्युजिक भिडियो पितव्वज्याय् प्रकाशदिप श्रेष्ठ, निर्देशक बाशु शाहीया नं विशेष उपस्थिति दुगु खः।

नेवाः कलाकार फुटसल कासा जुइगु

एम्स इन्टरटेन्टमेन्टया ग्वसालय् वइगु भदौ १८ गते शनिबाःकुन्हु कलाकार फुटसल कासा जुइगु जूगु दु। वंगु शनिबाः मच्छेगामय् पत्रकार सम्मेलन यासें एम्स नेवाः कलाकार फुटसलया घोषणा याःगु खः।

कासाय् नेवाः संकिपा व संगीत ख्यःया आपालं कलाकःमिपिनिगु ब्वति दइगु ग्वसाः खलकं जानकारी ब्यूगु दु।

ज्याइवलय् एम्सया कोषाध्यक्ष बुद्ध लक्ष्मी अनु महर्जनं प्रेस विज्ञप्ति ब्वनाः न्यंकादीगु खः।

उगु हे पत्रकार सम्मेलनय् उसांय् मदयाच्चंम्ह संगीतकःमि सुमन कपालीलिसें म्युजिक भिडियो व शर्टीफिल्म निर्देशक सुजन बज्राचार्ययात एम्सपाखें म्हातिं भिद्धः तकाया आर्थिक



ग्वहालिया नं घोषणा याःगु खः।

फुटसल कासाया कजि राजी किपू एम्सया नायः सुरेन्द्र महर्जनं फुटसल कासायाबारे जानकारी बियादीगु खः।

पत्रकार सम्मेलनय् नेपालभाषाया न्हापांम्ह संकिपा पत्रकार विजयरत्न असंबरे थःथःगु ख्यलं

थीथी कथं योगदान बियावःपिं कलाकःमिपिनिगु निर्तिं माःबलय् माःकथं ग्वहालि याय्गु आज्ञु ज्वनाः न्ह्याःवनाच्चंगु एम्सया पलाःयात च्छासे कलाकःमि दथुइ थवंथवय् सहलह ब्याकेगु निर्तिं थजाःगु फुटसल कासा बांलाःगु माध्यम खःगु धयादिल।

द व ९ कक्षाय् भाषाया पाठ्यक्रम दय्केत सहलह

नेवाः लिसें तामाङ समुदायपाखें गुंगू व भिगू तगिमय् भाषानापं ऐच्छिक विषय दुने कम्प्युटर व गणित चीकेत नेपाल सरकारयात माग याःगु दु।

नेवाः देय् दबू व नेपाल तामाङ घेदुडया प्रतिनिधि मण्डलं नेपाल सरकार शिक्षा विज्ञान तथा प्राविधिक मन्त्रालय पाठ्यक्रम विकास केन्द्रया महानिर्देशक अणुप्रसाद न्यौपानेयात नापलानाः थथे माग याःगु खः। उगु इलय् महानिर्देशक न्यौपाने ऐच्छिक विषय दुने भाषा जक

दुथ्याकाः ब्यागलं कथंया पुचः दय्केत मन्त्रिपरिषदं हे निर्णय याय्माःगु धासें पाठ्यक्रम विकास केन्द्रपाखें थुकी निर्णय याय् मफइगु धयादीगु खः।

महानिर्देशक नापलाय्गु निर्तिं देय् दबू स्वनिगः विशेष प्रदेशया अध्यक्ष श्रीकृष्ण महर्जन, छ्याञ्जे हरिबहादुर श्रेष्ठ, ख्वप जिल्लाया अध्यक्ष नरेश नेवाः, छ्याञ्जे जीवनपति श्रेष्ठ, मध्यपुर थिमि नगर समितिया अध्यक्ष बाबुकाजि साःछैं

श्रेष्ठ, नेवाः शिक्षा गुथिया कजि विष्णु चित्रकार, विद्या चित्रकार, नेवाः वस्ती नेवाः स्कूल अभियानया संयोजक दिपक तुलाधर, नेवाः जागरण मञ्चया नायः सुजीव बज्राचार्यलिसें नेपाल तामाङ घेदुडया उपमहासचिव जगत दोड, छ्याञ्जे विना तामाङलिसें घेदुडया थीथी प्रतिनिधित वंगु खः। थ्व स्वयां न्हयः थ्व हे माग तसें प्रतिनिधि मण्डलं शिक्षामन्त्री देवेन्द्र पौडेलयात नं नापलानाः ज्ञापनपौ लःल्हाःगु खः।

स्वतन्त्र व शोभाया म्युजिक भिडियो पिदन

शारिरीक अस्वस्थताया कारणं ताः ई न्हयःनिसें क्यामेराय् खनेमदयाच्चंम्ह कलाकार स्वतन्त्र संसार महर्जन हाकनं क्यामेरा न्हयःने वःगु दु।

कलाकार महर्जनलिसें शोभा महर्जन अभिनय यानातःगु ‘नजाउ टाढा क्षितिजमा’ बोलया म्येया न्ह्यु म्युजिक भिडियो पिहांवःगु दु।

संसार अनलाइन टेलिभिजनया निर्तिं संसार क्रियशन्स नेपालपाखें निर्माण याःगु म्युजिक भिडियोया

किपुलिइ जूगु छगू ज्याइवःया दथुइ पितव्वज्या जुल।

म्युजिक भिडियो दुने स्वतन्त्रया हे काय् भाजु सम्बत संसार महर्जनया न बाल कलाकारया रुपय् छगू रोल तयातःगु दु।

मलेशियाय् च्वनावःम्ह दिपक बिबश आसुं च्वयादीगु म्येय् कल्पना श्रेष्ठ सः बियादीगु दुसा म्येया संगीतकार मन्जु नकर्म व संगीत संयोजक बुद्ध साय्मि खः।

म्युजिक भिडियोया छायाङ्कन

व एडिट सोहन मानन्धरं यानादीग दु। गोदावरी नगरपालिकाया मेयर गजेन्द्र महर्जनया नं उपस्थिती दुगु ज्याइवः संसार क्रियशनया हामा स्वतन्त्र संसार महर्जनया सभाध्यक्षताय् जूगु खः।

उगु हे ज्याइवलय् संसार अनलाइन टेलिभिजनया निर्तिं संसार क्रियशन्स नेपाल निर्माण याःगु वेब सिरिज “सौभाग्य”या प्रोमोया नं पितव्वज्या जूगु खः।

उगु वेबसिरिज श्रावण ६ गते निसें क्यनेज्या न्ह्याइगु धाःगु दु।

बाजं गुरुपिन्त सम्मान



स्वनिगःया संस्कृति संरक्षणया निर्तिं निरन्तर रुपं योगदान बियावयाच्चीपिं बाजं गुरुपिन्त सम्मान याःगु दु। ज्यापु समाज यलया ग्वसालय् गुरुपुन्हिकुन्हु यलया परम्परागत पीगू त्वाःया दाफा म्ये गुरु लिसें खिं, धिमे, बाँसुरी, काःबाजं, दहः, कान्ता डबडब, ढोलकया यानाः २५०म्ह गुरुपिन्त हंगु खः।

यलय् जूगु ज्याइवलय् संस्कृति, पर्यटन तथा नागरिक उड्डयनमन्त्री जीवनराम श्रेष्ठ, समाजया नायः तीर्थलाल महर्जन सम्मानित गुरुपिन्त दसिपौ लःल्हानादीगु खः। सम्मानित जूपिन्त बेताली चिकेगुलिसें तम्बः तपुलिं पुकाः, ख्यै सगं बियाः हंगु खः।

ज्याइवलय् नवनिर्मुक्त संस्कृति, पर्यटन तथा नागरिक उड्डयन मन्त्री जीवनराम श्रेष्ठ व नर्कातिन प्रहरी नायब महानिरीक्षकय् बढुवा जूम्ह यलया म्हायय्मचा किरण वज्राचार्ययात नं ख्यै सगं बियाः सम्मान याःगु खः। समाजया नायः महर्जन कार्यकाल सुथां लाक्क न्ह्याय्माः धकाः कामना यासें दसिपौ नं लःल्हानादीगु खः।

समाजया वरिष्ठ न्वकू सन्तमान महर्जन लसकुस यानादीगु ज्याइवलय् यल महानगरपालिकाया कार्यवाहक मेयर मञ्जली शाक्य, यल जिल्लाया सिडिओ, समाजया पुलापिं नायःलिसें पीगुलिं त्वाःया ज्यापु समुदायया तःधंगु उपस्थिति दुगु खः।

जनबहालय् ...

परिकल्पनाकार नीलकाजि शाक्य थःगु पार्टीगत स्वार्थ हे काँग्रेसया मन् मूपाहां दय्कूगु द्वपं नं ब्यूगु दु। थ्व विषयया नापनापं इवाताया उलेज्यालिसें छगू गम्भीर विषय नं दंगु दु। व खः, दबूलिसे स्वानाच्चंगु परम्परा।

थुगु नासः दबूया स्वापू केलत्वाःस्थित लुँचुभुलु अजिमालिसे दुगु धाःगु दु। पाहांचःन्हेया दिनय् लुँचुभुलु अजिमाया खः जात्रा यानाः थन दबूलिइ हे खः दिक्केमाःगु परम्परा न्हापा दुगु खः। लिसें अन बलिसमेत बियाः अजिमाया पूजा याय्माःगु खः। थौकन्हय् थुगु परम्परा न्ह्यानाच्चंगु खनेमदु। तर व परम्परा नं नेवाः म्हसीकालिसे हे स्वानाच्चंगु जुल। दिनावंगु परम्परायात म्वाकेगु नं जनप्रतिनिधिया हे कर्तव्य खत सा आः थन इवाता थनेधुंकाः आः उगु परम्परा गबलें हे न्ह्याइमखुत ला धइगु चिन्ता नं गुथियाःतय्सं प्वकाहःगु दु। सकसिनं भाषा, साहित्यया उत्थानया खँ ल्हानावन, तर दबूया ईतिहास व परम्परायात सुनां वास्ता मयाः धकाः नं गुथियाःतय्सं नुगलय् स्याकूगु दु।

गुगु ज्या जुल, व च्छाय्बहःगु ज्या खः। नेपालभाषाया प्यंगःथांथा ईतिहासयात म्वाकातय्माः। वय्कःपिनिगु योगदानया बारे न्हू पुस्तायात कनेमाः। अनं इवाता लिकाय्माः धकाः ला सुं नं नेवालं धाइमखु। तर दबूलिसे स्वानाच्चंगु परम्पराया बारे नं बिचाः याय्माःगु खनेदु।

१९क्वःगु...

त्वाःया नायः पञ्चनारायण महर्जनयात पाःब्वया दसिपौ व छगू लाख तका लःल्हाःगु खः।

उगु हे ज्याइवलय् कोषं यँया परम्परागत ६३गू त्वाःया बाजं गुरुपिन्त हंगु दु। यँ महानगरपालिकाया मेयर बालेन्द्र साहया उपस्थितीइ जूगु ज्याइवलय् गुरुपिन्त हाकु तपुलिं पुइकाः ख्यैय् सगं बियाः हंगु खः। नापं ६३गुलिं त्वाःयात बाजं न्याय्गु निर्तिं म्हातिं भिद्धः भिद्धः तकाया चेक नं लःल्हाःगु खः।

उगु हे ज्याइवलय् स्थानीय चुनावय् यँ महानगरपालिकाय् त्यानावःपिं ज्यापु जनप्रतिनिधितय् नं हंगु खः।

ज्याइवलय् न्ववासें यँ महानगरपालिकाया मेयर साहं थः महानगरया मेयर जुयाः वय्धुंकाः थनया फुक्क संस्कृतियात नालाकयागु धासें आः थः नं बालेन्द्र साह महर्जन जुइधुनागु धयादीगु खः।

कोषया न्वकू सन्त महर्जन लसकुस याःगु ज्याइवलय् कोषया नायः महर्जन यँ महानगरपालिका थुगुसीया बजेटय् कोषया छँ देनेगु निर्तिं छगूत्या करोड दां विनियोजन यानाब्यूगु जानकारी बिसें महानगरपालिकायात सुभाय् ब्यूगु खः।

ज्याइवलय् ज्यापु महागुथि केन्द्रीय समितिया नायः राजभाई जकःमि, विकास कोषया संस्थापक प्रचण्डमान बज्राचार्य, भिर्च्याक्वःगु ज्यापु दिवसया संयोजक गोविन्द महर्जनलिसें नं भिंतुना न्वचु ब्यूगु खः।

हरेक मंगलवार



मेरो साप्ताहिक
मेरो साप्ताहिक Mero Saptahik

मालाः मालाः ब्वनादिसैं।

क्वहितिङ्ग कीर्तिपुण्य महाविहारया आगच्छँ उलेज्या



यै महानगरपालिका वडा नं. २० क्वहितिस्थित कीर्तिपुण्य महाविहारया पुनर्निर्माण क्वचाःगु आगच्छँया उलेज्या जूगु दु ।

यै महानगरपालिकाया उपप्रमुख

सुनिता डंगोल महाविहार सर्वसंघया आगच्छँया उलेज्या यानादिल ।

उगु हे ज्याइवल्यु उपप्रमुख डंगोल आगच्छँया नितीं थीथी कथं ग्वाहालि याःपित हना नं दीगु खः ।

ज्याइवल्यु न्ववासें मूपाहां महानगर उपप्रमुख डंगोल नेवाः संस्कृति, परम्परायात न्हू पुस्तायात हस्तान्तरण यानाः इमित उकिया महत्व नं बालाक थुइका वनेमाःगु धयादिल ।

महाविहारया सर्वसंघया नायः आनन्दरत्न शाक्यया सभापतित्वयु जूगु ज्याइवल्यु यै महानगरपालिकाया निवर्तमान प्रमुख विद्यासुन्दर शाक्य, शाक्य महाविहार संघया नायः शुभकाजी शाक्य, शाक्य फाउण्डेसनया नायः राजकाजी शाक्य, गुंला बाजं व्यवस्थापन तथा संरक्षण संघया नायः अमिरमान शाक्य, हनुमानध्वखा दरवार संरक्षण कार्यक्रमया प्रमुख रोशन शाक्य सम्पदाया महत्व व उकिया संरक्षणया थीथी पक्षयात कयाः नुगःखँ तयादीगु खः ।

ब्वनेकुथियात आर्थिक ग्वाहालि



यै महानगरपालिका जगतसुन्दर ब्वनेकुथिया पूर्वाधार स्तरोन्नतिया नितीं पीन्यागू लख बराबरया आर्थिक ग्वाहालि याःगु दु । लायन्स क्लब अफ काठमाडौं हारतिमाताया समन्वययु यै महानगरपालिका उगु आर्थिक ग्वाहालि याःगु खः । ब्वनेकुथिङ्ग ट्रष्ट तयुत, क्वथा थप ययुत, फर्निचर, कार्पेट, पर्दालिसें विद्यालय भवन मर्मत सम्भारया नितीं ४५ गू लख ग्वाहालि याःगु खः । क्लबया हे समन्वययु यै महानगर थगुने नं आर्थिक ग्वाहालि याःगु खः । थगुने ब्वनेकुथिया नितीं नीगू लख आर्थिक ग्वाहालि याःगु खः ।

विद्यालय संचालक समितिया नायः डा. चुन्दा वज्राचार्य लसकुस

यानादीगु ज्याइवल्यु लायन्स क्लब अफ इन्टरनेशनल डिष्ट्रिक्ट गभर्नर दिनेशप्रसाद श्रेष्ठ संस्था नेपाःया शिक्षा ख्यलयु आवश्यकता कथं ग्वाहालि यानावयागु जानकारी बियादीगु खः । लायन्स क्लब काठमाडौं हारतिमाताया नायः अशोकमान महर्जन 'छगू लायन्स क्लब, छगू विद्यालय ग्वाहालि' ज्याइवः न्ह्याकावयागु जानकारी बियादिल । यै महानगरया निर्देशकलिसें वित्त विभाग प्रमुख बुद्धरत्न मानन्धर, ब्वनेकुथिया संस्थापक नाप कोषाध्यक्ष अनाररत्न वज्राचार्य नं नुगःखँ तयादीगु ज्याइवल्यु लायन्स क्लबलिसें ग्वाहालि याःपित ब्वनेकुथि लुमन्ति चिं व सुभायु पौ लःल्हाःगु खः ।

सुपलब्ध हुने सामानहरू डेरी, मासु, बेकरी उद्योगकालागि चाहिने उपकरणहरू, प्याकिङ मेसिन, प्याकिङ मेटेरियलहरू, विविध केमिक्लहरू तथा विविध औद्योगिक उपकरणहरू ।

म्याकुम प्याकिङ मेसिन **मिलिकङ्ग मेसिन** **जटिलीक डिस्क मल्लभर मेसिन**

मिल्क क्यान **क्रिम सेपरेटर मेसिन** **प्लेट चिलर**

श्रेष्ठ ट्रेड मेडिया

श्री लाल मवन, १३ टंकेश्वर (छाउनी जाने बिष्णुमति पुलसंगै), काठमाडौं । फोन : ८२७०६८४/९८५९०८८५५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

बाढीपहिरोबाट जोगिन

- जथाभावी सडक निर्माण र वन विनाशले बाढीपहिरो निम्त्याउँछ ।
- वृक्षारोपण गरौं, वनजंगल जोगाऔं, बाढीपहिरो नियन्त्रण गरौं।
- पहिरोको जोखिम भएका क्षेत्र तथा नदी किनारमा रुख, बाँस, निगालोजस्ता भु-क्षय रोक्ने खालका विरुवा रोपौं र संरक्षण गरौं ।
- आफ्नो बस्ती तथा समुदायको रक्षा गरौं।
- बाढी तथा पहिरो गएको सूचना तल्लो तटीय क्षेत्रमा दिऔं ।
- आफु पनि बचौं अरुलाई पनि बचाऔं ।



नेपाल सरकार विज्ञापन बोर्ड

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा

२४ सै घण्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- लाभः यसः
- अन्तरंग सेवा

गन्धिका

- मोतिबिन्दु
- जगन्नाथ सर्जरी
- व्याघ्र, वनाथ, जाधः
- हाड जोर्नी तथा
- पिसाव तलीजा पत्थर बिना चिरफार

बहिरंग सेवा

- कुटु लवङ्ग
- प्याःशा लवङ्ग
- बुरीलोजी
- लिख लवङ्ग
- तामा लवङ्ग
- बाजा लवङ्ग
- लिख लवङ्ग

जन्म सेवा

- जेनिङ्ग
- ईन्डोस्कोपी
- कोलोन्सोस्कोपी
- फिजियोथेरापी
- अल्ट्रासाउण्ड, कलर डप्लर व इको
- सुटेपेली स्तरका दन्त प्रयोगशाला

७०८ संगानाल मार्ग, छत्रपाटी, काठमाडौं, फोन : ४२९६९३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np